

Útkomið í A-deild Stjórnartíðindanna 1944.

Lög um breyting á hafnarlögum fyrir Akureyrarkaupstað, nr. 62 3. nóv. 1915, undirskrifuð af forsetanum 20. desember 1944, nr. 75.

Lög um Hjúkrunarkvennaskóla Íslands, undirskrifuð af forsetanum sama dag, nr. 76.

Lög um breyting á lögum nr. 21 14. júní 1929, um hafnargerð á Skagatrönd, undirskrifuð af forsetanum sama dag, nr. 77.

Lög um breyting á og viðauka við lög nr. 36 30. júlí 1909, um laun háskólakennara, og um breyting á lögum nr. 21 1. febr. 1936, um Háskóla Íslands, undirskrifuð af forsetanum 28. desember 1944, nr. 66.

Lög um breyting á lögum nr. 85 23. júní 1936, um meðferð einkamála í héraði, undirskrifuð af forsetanum sama dag, nr. 67.

Hafnarlög fyrir Ólafsfjörð, undirskrifuð af forsetanum sama dag, nr. 68.

Lög um lendingarbætur í Djúpavogi, undirskrifuð af forsetanum sama dag, nr. 69.

Lög um lendingarbætur í Selárdal í Ketildalahreppi, undirskrifuð af forsetanum sama dag, nr. 70.

Lög um breyting á hafnarlögum fyrir Neskaupstað, nr. 66 4. júlí 1942, undirskrifuð af forsetanum 30. desember 1944, nr. 71.

Fjárlög fyrir árið 1945, undirskrifuð af forsetanum sama dag, nr. 72.

Lög um veiting ríkisborgararéttar, undirskrifuð af forsetanum sama dag, nr. 73.

Lög um breyting á lögum nr. 39 30. júní 1942, um breyting á lögum nr. 26 13. jan. 1938, um bændaskóla, undirskrifuð af forsetanum sama dag, nr. 74.

GJALDSKRÁ

Rafmagnsveitu Reykjavíkur.

149

5. des.

I. Raforka.

Rafmagnsveita Reykjavíkur selur raforku á þann hátt og við því verði, sem hér segir:

A. Lýsing.

Þar, sem raforkan er aðallega notuð til lýsingar, skal hún seld:

1. Um kwst.-mæli á 75 aura hver kwst.
2. Um hemil eða hemil-mæli á 100 kr. hvert árshektowatt, og skal hemilstillingin ávallt standa á heilu hw. og bil milli tveggja stillinga eigi minna en 15% hinnar hærri. Umframnotkun skal seld samkv. gjaldskrárlið A. 1. Samkv. þessum lið má selja útiljós, enda þótt mælitækjum verði ekki við komið.
3. Um kwst.-mæli á 20 aura hver kwst. auk fastagjalds, er nemi 100 kr. á ári fyrir allt að 25 m² gólfplatarmáls í rúmi því, er lýsa skal, og 2.70 fyrir hvern m² umfram 25 m². Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal deila fermetragjaldinu með 3,5.
4. Um tvgjaldsmæla, ef um meir en 2,5 kw. afl er að ræða og notkunartíminn er meiri en 600 klst. á ári á 75 aura á kwst. á ljósatíma en 20 aura á kwst. utan ljósatíma.

Ljósatími skal talinn þessi:

Í apríl til ágúst frá kl. 20½ til kl. 22.

149
5. des.

Í sept. og marz frá kl. 19 til kl. 22.
Í okt. og febr. frá kl. 17½ til kl. 22.
Í nóv. og jan. frá kl. 16 til kl. 22.
Í des. frá kl. 15 til kl. 22.

Ef ársnotkun er meiri en 10000 kwst., má veita afslátt á notkun utan ljósatíma samkv. ákvæðum gjaldskrárliðs C. 4.

Verði tvígjaldsmæli ekki við komið, er heimilt að nota einfalda ljósmæla undir þessum gjaldskrárlið, og skal þá reikna 7 kwst ársnotkun á hvern fermetra gólfflatar sem notkun á ljósatíma, en alla notkun umfram það sem notkun utan ljósatíma, eins og ákveðið er hér að ofan.

B. Rafmagn til almennrar heimilisnotkunar.

1. Um tvöenna kwst.-mæla, annan til ljósa, en hinn til heimilisvéla. Um ljósamælinn reiknast ljósagjald samkv. A. 1., á hinn mælinn 20 aurar á kwst.
2. Um einn kwst.-mæli á 14 aura hver kwst. og auk þess fastagjald kr. 20.00 af hverju íbúðarherbergi heimilisins. Leiga af mælinum er innifalin í fastagjaldinu. Eftir þessum gjaldskrárlið má selja rafmagn til suðu til veitingahúsa, gisti-húsa og annarra slíkra staða, sem ekki verða taldir heimili, enda sé þá rafmagnið selt um sérmæli og leiga goldin af sérmælinum, en herbergjagjald ekki reiknað.
3. Um hemil-mæla 600 kr. hvert árskw. og auk þess 16 aura á kwst fyrir umfram-notkun. Hemilstillingin skal vera minnst 500 wött að viðbættum 100 wöttum fyrir hvert íbúðarherbergi fram yfir tvö.

Þennan gjaldskrárlið, B. 3., má einnig nota fyrir skrifstofur, verzlanir og verkstæði, þó eigi fyrir 3-fasa hreyfla, og skal þá miða stillingu hemilsins við 500 wött fyrir fyrstu 25 m² gólfflatar eða minna, og síðan 100 wött fyrir hverja 12 m² eða minna, og skal m² reiknaður út eftir sömu reglum og settar eru fyrir gjaldskrárlið A. 3.

Reglur um útreikning herbergja.

Í útreikningi á fjölda herbergja í íbúð skal aðeins telja stofur og svefnherbergi o. þ. h., en ekki eldhús, baðherbergi, göng og geymslur. Borðstofueldhús skal telja sem herbergi. Herbergi minna en 5 m² skal telja sem hálf, en stærra en 25 m² sem tvö. Þar sem meðalstærð herbergja í íbúð er minna en 10 m² má reikna með þeirri meðalstærð.

C. Vélar.

Þar, sem raforka er notuð til vélarekstrar, skal hún seld:

1. Um kwst.-mæli á 40 aura kwst. Hafi vélarnar mjög stuttan notkunartíma á ári, má krefjast minnsta ársgjalds frá 50 til 80 kr. á hvert uppsett kw. vélanna.

Eftir þessum gjaldskrárlið má selja raforku til barna- og unglingaskóla, sjúkrahúsa, kirkna og annarra þess háttar opinberra stofnana. Svo og til vinnulagna við byggingar meðan á byggingu stendur.

2. Um mestu mæla fyrir mesta notað afl á árinu þannig:

160 kr. á árskw. fyrir fyrstu 10 kw,	
130 — — — — næstu 15 —	
100 — — — — — 25 —	
80 — — — — — umfram 50 —	

og skal auk þess greiða kwst.-gjald, er reiknast þannig:

Fyrstu	25000 kwst. ársnotkun á 7.0 aura hver kwst.				
Næstu	25000 — — — — 6.5 — — —				
—	50000 — — — — 6.0 — — —				

Næstu	100000 kwst.	ársnotkun á 5.5 aura hver kwst.					
—	150000	—	—	—	5.0	—	—
—	250000	—	—	—	4.5	—	—
Umfram	600000	—	—	—	4.0	—	—

149
5. des.

- Um hemilmæla á 360 kr. árskw. og 20 aura á kwst. öll umframnotkun. Rafmagnsstjóri ákveður stillingu hemilmælisins í hvert skipti í hlutfalli við vélaaflið.
- Um tvígjaldsmæli, ef um meira en 5 kw. afl er að ræða, og notkunartíminn er meira en 500 klst. á ári, á 75 aura á kwst. á dýra tímanum, sem talinn skal frá kl. 10.45 til kl. 12.00, en 20 aura á kwst. endranær.
Ef ársnotkun utan dýra tímans er meiri en 10000 kwst., má veita afslátt á þeirri notkun, er reikna skal þannig:

Fyrstu	10000 kwst. á ódýra tímanum	20 aura á kwst.					
Næstu	20000	—	—	—	18	—	—
—	20000	—	—	—	16	—	—
—	50000	—	—	—	14	—	—
—	50000	—	—	—	12	—	—
Umfram	150000	—	—	—	10	—	—

D. Hitun.

- Um kwst.-mæli á 9 aura kwst. enda sé þá minnsta notkun 10000 kwst. á ári.
Heimilt er að rjúfa strauminn með klukkurofa, frá kl. 10.45 til 12, þar sem það eigi truflar verulega rekstur, að dómi rafmagnsstjóra. Sameina má þennan gjaldskrárlið B. 2., enda skal þá talið á B. 2.-lið 1000 kwst notkun fyrir einherbergisibúðir og 600 kwst að auki fyrir hvert herbergi, sem þar er framyfir, allt að 3000 kwst. á ári.
- Um kwst.-m. á 5 aura á kwst., ef straumurinn er rofinn með klukkurofa frá kl. 9 til 12 og í 7 klst. á tímanum frá kl. 14 til 23.
- Um kwst.-m. á 3.5 aura á kwst., ef straumurinn er rofinn með klukkurofa frá kl. 8 til 23.
- Um hemilmæli samkvæmt gjaldskrárlið C. 3.
- Um tvígjaldsmæli á 5 aura hver kwst. frá kl. 23 til kl. 8 og 20 aura hver kwst. frá kl. 8 til 23.

Selja má rafmagn samkv. þessum gjaldskrárlið til véla, sem uppfylla skilyrði fyrir gjaldskrárlið C. 4., ef straumur er rofinn af lögninni með klukkurofa, frá kl. 10.45 til kl. 12.

Skilyrði fyrir sölu raforku til hitunar:

- Að vélaafl, götulínur og spennur þoli álagið að dómi rafmagnsstjóra.
- Að notandinn kosti tengingu klukkurofa og greiði leigu fyrir hann samkvæmt reglum, sem gilda um leigu mæla.
- Að hitalagnir, þar með talin öll tæki gerð samkvæmt fyrirmælum Rafmagnsveitunnar, ofnar fasttengdir með sérstökum rofum og hitastillar notaðir.
- Að, ef um húsahitun er að ræða sé straumurinn rofinn með klukkurofa allt að tveimur klst. fyrir hádegis og 2 klst. á eftirmiðdögum á tímabilinu 16—20.
- Skilyrði í 1. lið D. um minnstu eyðslu gildir eigi, þegar um húsahitun er að ræða.

E. Afgangsorka.

Afgangsorku má selja þeim notendum, sem hafa eigin vélar til orkuvinnslu, með því skilyrði, að stöðva megi orkusöluna til þeirra, hvenær sem þarf, að dómi rafmagnsstjóra.

- 149 Fyrir 100 kw. afl eða meira um kwst.-mæli á 9 aura hverja kwst. fyrir 50000 kwst.
 5. des. ársnotkun. Fyrir næstu 50000 kwst. ársnotkun má veita afslátt, er nemur 10% og fyrir næstu 50000 kwst. 20% afslátt o. s. frv. allt upp í 50% afslátt fyrir alla notkun umfram 250000 kwst.

F. Þegar sérstaklega stendur á, má rafmagnsstjóri selja raforku eftir sérstökum samningi í hvert skipti, þó eigi lengur en til eins árs í senn, nema til komi samþykki bæjarráðs.

G. Gjald fyrir götu- og hafnarlýsingu ákveður bæjarstjórn eftir tillögum bæjarráðs.

H. Fyrir hver 10 stig, sem verðlagsvisitala Hagstofunnar hækkar eða lækkar er heimilt að hækka eða lækka raforkureikninga Rafmagnsveitunnar um 2%.

II. Mælaleiga.

Rafmagnsstjóri ákveður stærð og gerð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða leigu af mælitækjum samkvæmt eftirfarandi skrá:

	Ársleiga í kr.		
	upp að 30 amp.	35—75 amp.	yfir 75 amp.
Einfasa kwst.-mælar, einfasa hemilmælar og hemlar	12.00	„	„
Þrífasa kwst.-mælar, þrífasa hemilmælar, einfasa frádráttar- mælar, lausir	24.00	36.00	48.00
Tvígjaldsmælar, mestumælar	36.00	48.00	60.00
Lausar skiptiklukkur, einar sér	12.00	„	„

Af öðrum mælitækjum en þeim, sem nefnd eru í skránni, skal leigan vera sem næst 15% af mælisverðinu, og semur rafmagnsstjóri nánari skrá um leiguna. Leigan skal innheimt um leið og gjald fyrir raforku.

III. Ýmis gjöld.

1. Opnunargjöld.

Hafi gjald samkv. gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun, 4 krónur.

2. Sektir fyrir óleyfileg vör.

Ef fundin eru óleyfileg vör við skoðun, eða of stór, skal veitunni lokað tafarlaust, og verður hún eigi opnuð fyrr en notandinn hefur greitt 4 króna gjald á skrifstofu Rafmagnsveitunnar.

Gjaldskrá þessi, sem bæjarstjórn Reykjavíkur hefur samið og samþykkt, staðfestist hér með samkvæmt vatnalögum nr. 15 20. júní 1923, til að öðlast þegar gildi, og skal verðlag á rafmagni samkvæmt gjaldskránni gilda um notkun á rafmagni eftir aflestur rafmagnsmæla um mánaðamótin desember 1944—janúar 1945. Birtist gjaldskráin til eftirbreytni öllum þeim, sem hlut eiga að máli, og fellur, jafnframt því er hún kemur til framkvæmda, úr gildi gjaldskrá um sama efni útgefin 12. desember 1940, ásamt bráðabirgðabreytingu á þeirri gjaldskrá útgefinni 29. nóvember 1943.

Atvinnu- og samgöngumálaráðuneytið, 5. desember 1944.

Emil Jónsson.

Vigfús Einarsson.